

楊弘山先生存稿

楊弘山先生存稿
趙藩書檢

弘山先生日錄詩集卷之八

劍川趙藩
臆越李根源
重鐫

御史中谿李元陽叅選

給事中慎吾楊言校正

郎中近臺何文極編次

曾孫楊德鏗梓

七言絕句

奉和升菴先生雨中漫興

青氈半濕角巾斜寒粟生肌戰齒牙四野天低雲一色點蒼五月雪飛花
墻頭猶火濕生煙遮幙寒威到酒邊一夜芭蕉簷外響更等數盡不成眠
雨中騎馬上華堂夏月羊裘更覺涼無底書囊談入夜醉歸猶聽雨浪浪
江村遠飲值疾東歸

尊酒清談興更豪水雲亭上幾醺醺如今獨抱河魚疾孤負先生赤牘招

初雪

瑤池昨夜燕羣仙玉女三千下九天一曲幽香研光帽月明花落共娟娟
摩詰當年講裡詩江干初雪費心思七公他日詩中盡空憶江南風雪時

讀大學

諸儒經傳議論紛紛兀坐書齋費討論白首紛紛空太息皇天未必喪斯文
奉和南園先生和白巖先生韻

一風青山十載餘清風明月伴閒居此中吟弄知多少剩見南園數卷書
鶴髮朱顏七袞餘也同貞白好樓居應知天上青藜老來授人間竹牋書
太保朝朝入望餘夢中曾謁白雲居西風忽報雙魚到跪讀先生尺素書
謝世行德如惠油魚

堪同丙穴交稱嘉一棹西風起浪花莫道眼前知味少季膺千里早歸家
升菴東還不獲溫溫混混亭之席借龍尾圖歌韻

曾向峯頭躡翠氛山中風月許平分如今虛負山靈約愁對斜陽（龍關峯名）一片雲
何必桃源更問津花間流水石粼粼玉芝瑤草無人拾應使青山冷笑人
夢中題筍

裊裊東風護短籬幾叢新笋長離離會看紫鳳空中起帶得清風枕上吹
席上櫻梅（字惟善號楚山行二）

櫻桃花發更梅花鬪雪凌霜合並誇恐是尹邢仙魄化只愁飛去作雲霞

羊棗

數尾金鱗伴玉鱗
翻萍泳藻咽花津
盆池斗水雖清淺
免得江湖困釣輪

鴈鴈勻圓黑水晶
曉霜催熟壓枝明
浴沂高士偏知味
被褐幽人獨諱名

恭紀慶成宴面諭群臣

國丘創見大儀新
正殿親聞聖諭諄
千載遐逢懸日月
六龍飛繞護絲綸

下弦月

皓魄當空欲下弦
曜靈破曉出虞淵
團團銀彈何曾缺
眇眇塵寰見自偏

製幅巾

鬢髮年來日日疎
撥繡渾未護霜顛
幅巾正好閒居戴
涼水先生有舊圖

簡落第

洱水秋風一布衣
碧鷄圖上又空歸
漢庭狗監無知己
莫向青山賦式微

李必登送竹梅同盆

三友同心奈歲寒
青蔥顏色照冰盤
小亭蘭蕙無知己
送與幽人作伴看

偶見

蛺蝶雙飛過粉牆
撲簾依檻爲花香
漫天刺有千絲網
莫倚西風上下狂

炙背

霜枝傑立菊花乾雪幹新抽蕙葉寒手執一編閒炙背負暄堂外倚欄杆

山櫻

破雪山櫻幾樹紅照山臨水夕陽中田家種麥惟看此裊裊開花似北風

訪李鳳谷不遇

獨竿蒼翠拂雲齊門巷森陰有鳳棲正好子猷來騎豚不因叔夜敢輕題

訪趙希周書堂

重重蘭桂遶書堂正是天香與國香雲谷主人勤護看無邊風月共年芳

晚霞

落日西山燒霧明晚霞千里報天晴瞰山絳雪無人見十九峯頭見赤瓊

老農

霜天初畢滌場功陌上行歌笑老農耕鑿何嘗知帝力漫從風雨卜年豐

李中谿饋香蘭紅梅

白石磷磷護玉盆紫莖腴腴吐金根國香合在瑤臺上也許光風到驛門
仙幹團團作月形驪珠數點若華星何年解服丹砂粒笑倚東風醉不醒

露化

軟蝶翩旋觸網羅誰知蠢蠢似蠶蛾一朝羽化翻成禍縱有相憐奈爾何

蟹志

一穗朝魁任所之自江入海異前時人間有智誰如蟹蟹也旁行人未知

宿江村樓

三十年前宿海樓浪花如雪到淋頭如今浪靜風恬夜一覺春眠醉未休

竹林七賢燈圖

一弄清琴一局棋竹林誰畫綠猗猗廣陵止息并畱決爭似商山詠紫芝

淵明賞菊燈圖

彭澤歸來興未慳東籬采菊見南山何人爲送重陽酒笑對西風一醉間

春風

春風昨夜大顛狂吹動柴扉入草堂驚醒莊周蝴蝶夢坐看殘月到藥牀

斑酒

卯色三杯斑一枚陰何燭婢撥寒灰醉餘就枕未成夢舊雨門前客又來

角巾

白髮青衫舊侍臣清風明月作閒人
繞身不用飛鸞鶴只戴林宗折角巾

楊守約送碧桃

四十昨夜到江城爛熳瑤華滿樹生
幾度玉衡星下看誰知元是此花精

閩正朔

榎竹將過八秩來春風能得幾開懷
今朝喜遇重元旦更進屠蘇酒一杯

栽松

四十栽松已覺遲我今七十欲何爲
未知待得成陰否笑讀香山居士詩

種竹

榎竹還教謹謹持閒來枕簟欲相隨
行看赤日秋先到山谷先生舊有詩

雨中海棠

一樹嬌嬌野寺中寂寥猶自笑東風
可憐雲雨千林暗更洗胭脂萬點紅

一枝摘入玉瓶中裊裊香煙細細風
花色似應天女散醉顏不是太真紅

閩寺經

何人施樹更施園說法于今幾百年
留得五車書尚在貝多紙上有香煙
閒來鎮日坐旃檀一卷楞嚴石上看
蜿蜒青龍藏淵底臨窺白鶴在雲端

跏趺

全跏趺與半跏趺菩薩如來自兩途此坐我今都未慣僧房不用設團蒲

次沙坪龍津江村韻

若士當年汗漫游廬敷相遇志須酬好看黃鸝雲霄上應笑瑤江駕騶驎

復次沙坪韻

天與江山作勝遊更將詩句漫相酬飄飄騰有凌雲氣醉倚東風控紫騮

席上小芙蓉

春花亦自有芙蓉桃李陰中忽一叢滿額圓黃深更淺西風不笑笑東風

再酬沙坪韻

老來欲學子長游幽里江山願未酬漫把遺編空讀過蹇驪安敢望飛驒

龍關道中

桃李紛紛幾樹斜夜來吹落許多花東風莫悞遊人意更遣雲峯一半遮

老鵲洲

白沙如雲海中央百丈吞天鵲嘴長滿眼魚鰕無盡藏不須銜水任汪洋（俗傳鵲銜水成池養魚）

雄

麥鰲初齊野雉肥雄飛雌伏兩依依可憐誤落腕人手回首新雛傍夕暉
籠下爭看一卵遺林間群卵復誰依可憐不遇裴安祖夢裏無因著繡衣

山中四月

山靜林深叫畫眉一聲聲應子規啼落花流水猶堪賞愛聽催歸日未西
晴

連日淫陰一日晴滿庭芳草綠苔生微風時動青鸞尾爲掃階前石上雲
連朝陰雨一朝晴早起東方看啓明五緯蒼龍同次舍桃都山上聽鷄鳴
連宵風雨一宵晴坐看踏穹到二更北斗欲橫南斗見歲星光采映房星
向榮寄鷄蹤

涼倒空懷五色芝玄英封寄到茅茨旋烹七碗風生腋正是山翁病肺時
南北朝間

置問歸餘異見聞國書南北自紛紜古今長屬推劉史通鑑編年好細論

蘭蠶

何物寧馨也蠶蘭紫莖綠葉半摧殘幾回欲覓黃姑斗氣種芸香傍藥欄

修蘭

午倦拋書一事無閒來庭下朝繁蕪碧沙翠石新培護還學跼蹐數尺蒲
栽秧

一番好雨借星耕白水田秧叱犢聲郭外薄田無半頃一家辛苦望秋成
閱農書

禾譜誰題秧馬歌試看農器幾多多平生漫作書中蠹才把農家一閱過
栽能

栽能田頭脫笠褰濁醪辛苦味偏多醉餘漚足盈歸路爭唱田家踏踏歌
雨中拜墳

淋漓馬上透青氍漉地泥沙壓病肩山屐好更芭屨濕羊裘暫謝葛衫便
洗池移魚

苔蘚摩挲洗二池清泉白石映連漪北溟魚到南溟裡此樂惟應莊叟知
牧童

芳草牛羊滿地歸牧童何處圖樗蒲殘陽一道青山外不管催歸鳥自呼
珊瑚鳥

桐椅終日聽珊瑚夢醒西窗日欲隨籠絡總因言語悞不如緘口學含胡
道遇子壽天樂

西風落日大江隈山雨初晴二妙來攜手同行應有約白雲深處舊書齋
圖竹

綠葉丹葩擁碧叢不知曾未識神農相逢試問山中客爾雅空勞註草蟲
睡起

壁間蘭韻似秋聲一枕南薰午夢醒千古靈皇人不見閒拈彩筆校殘經
觀蕙蘭

一種纖纖學蠶蟲無端常在蕙蘭叢也知亦有人心蠶檢點須加日夜功
陸菱荷白赤二種

一片丹霞映碧波西風一顰舞婆娑殷勤愛護千金鳳好對芙蓉看笑過
讀白沙定山集

白沙詩更定山詩風月情懷各自知閒向小窗時讀過甘泉居士有微辭
東高孟嶽貢士歸省

楚壁秋風淚罷彈謝池春草笑相看看山未羨燕山老五色斑斕膝下慚

寄段竹垞求清肺湯

病肺年來似少陵西風初動應金行金盤玉屑那能得還向先生覓八瓊
竹鼠化蝟

萬竹林中寄此生漁人幸免虞人前身忘却江魚化野蝟寧知化後身
研硃

滴露研珠點汗青露華濕透太玄經曉來匣蓋淋漓重一片銀花似水晶
牧牛題畫

短笛橫吹不著鞭雙犍如語豔陽天垂垂楊柳青青草布穀聲中欲種田
野外能行黑牡丹夕陽流水落花殘綠陰滿地啼黃鳥誰羨楊州白玉盤
江山波搖鴈影斜鳥蹄隨處印晴沙前村風雨何須計落日平原早到家
倒騎不覺北風寒雙雀籠中盡日看短景相催歸去晚一簫明月夜漫漫
中秋弘圭山翫月

中秋萬里共陰晴十九峯頭看月明風雨似知遊客意夜來洗淨一天清
九霄爽氣逼人清萬古中秋月最明一片山河銀色界更於何處覓蓬瀛
是日東琢菴太守

客安飄然主未知主來尋客去多時登山不共看明月孤負東林酒一卮
種竹

清秋新種翠琅玕風雨瀟瀟拂面寒分付沙鷺好培養碧霄來日看飛鸞

食笋

一夜林間籊籊龍斬然頭角立西風醉餘睡起誰醒酒玉版禪師出定中

桂花

仙桂婆娑八月開靈根元自月宮來天風吹下鷄銜子從此江南處處栽

向榮寄蕘臂

南中風物此稱珍本草諸家未識真一自唐蒙知味後至今誇說齒生津

美人靈

弄玉吹簫上碧空煙花幾度夢秦宮何人爲鑄黃金像笑向尊前勸醉翁

龍湫

大龍湫對小龍湫南北相望隔一丘多少蒼生望霖雨碧波閒浸海天秋

迎客

東風幾度看花遊北道高懷未易酬今日草亭筵逸駕擬金噴玉看飛驎

柴門今始開花迓新和掃爲有願關一客來倒屣倉忙作東道

夢

夢裡郎官喚水夫蕭然水部一行庭殿動相拜出門去正是三號五點初

趙希周席上杜鵑花

杜鵑花似映山紅標格分明自不同爲報遊人須着眼莫將春色看朦朧
外國移來綠一葢天台僧種鉢盂中如今五色成霞綺不是尋常爛熳紅
紫陽圖與紅綃巾元白題詩句句新欲識此花端的處南園翁已遇花神

李向榮寄跋

配鹽幽菽寄山厨法製金山更有無老病近來須藥物草藥未下下清酤

蔡繼任惠紙冊

雪精霜藤忽一編幾行界破隔青煙摩挲老眼抄書卷未說山陰九萬籬

偶成

一釣沉山掣六鼉騰搏九圍任扶搖鬣鯢角相爭戰蚊虻餽鰓共作孽

蘇

野燒迷空起綠煙雨餘風暖雀伸拳街頭識脚人爭買一甕春香費幾錢

盆魚

數尾莘莘赤玉鱗
盆池水淺不容身
何當爲決西江水
一洗枯腸解解塵

次向榮元賓夜歸韻

百盞傾倒月當空
報答春光一醉中
遽莫小兒齊拍手
接簾倒著笑山翁

紀夢

九重城闕夢中遊
天語分明賜狀頭
玉室丹臺元有籍
春風吹送到瀛洲

剪春羅

春羅翦就翦秋羅
好襯仙人綠芰荷
時向風前歌轉處
更於月下舞婆娑

洗菊

頗怪青蠅學蜜蜂
無端黑白點花叢
幾回欲作青蠅賦
只恐人疑似醉翁

覺此間

燕尾初分雪瓣香
龍鬚漸引玉莖長
黃楊圍厄梧桐小
細數昆蟲粒十三

牡丹譜

淑景亭前獻玉皇
洛陽高品出河陽
幾多池館無尋處
蔓草寒花獨自香

窗漏

宮漏須知報曉昏亦知田漏力耕耘年來我欲懸窗漏斗轉星移向此分

黃河

嘆息黃河萬古渾寸膠那得片時清崑崙頂外翻星宿滄海徒勞問太平

拜墳

一簋何如用大牲東隣元不似西隣華嚴一部何須看只看行庭不見人

中元

黃籙清秋啓醮壇大羅天上萬仙官瀛洲仙客丹臺主北斗闌干映石盤

旱

亢旱何須謁大巫術人囊裡有遺書不憂天旱憂人旱應識民間歲有無

書感

測景何曾識短長斗星先已報輝光杞人自是憂天地不覺年來兩鬢霜

和楊史城惠丹桂韻

丹桂亭亭一樹圓廣寒分下幾多年紫雲一曲無人度曾會丹臺玉籍仙

和梁禹承

一片先天未得觀春光門外萬花攢幾箇庭下蕭蕭竹數本塔前曄曄蘭